

Smka gwagiy

Wayal mha qaniy p'ars ke' qu bnkis ta raral. Nanu squ raral hiya mga, qutux qu qwagiy ru krahua balay. mha ni smbu qu gwagiy ga yasa si sbu smka kawas ru ini baqiy smpung qu pptzyaw nha qlyan. Mha tehuk qu mlhngan lga, yasa si 'nkum smka kawas lma, memaw ini baqiy smpung qu 'abi nqu squliq uzi ma.

Mkayal kwara qu. mmrhuw na Tayal mha “aki hmswa 'san ta smka qu gwagiy qaniy, teta minblaq maki qu qlyan ru mlhngan”. Namu yasa qu sgwayaw nha cyugal mrkyas na mlikuy ru si ptbuciy mpangan sa hbku na 'laqiy. rasun nha uzi.

T'aring balay musa, in' gyutun nha hmutaw qpuri na bway ru ghap nqu trakis sa syaw na tuqiy, bsyaq bsyaq qu pinhkngyan nha lga, ini nha thkiy na qu htgan na gwagiy. Sawn kasa lga, m'bnkis ru tqryan qu minnaras ka cyugal qasa, wayal min-gyut mhuqil lhgan la. Yaqu pinnanga nha qu 'mubuy musa smka gwagiy lma.

Qlung tehuk squ htgan nqu gwagiy lga, ini baqiy mksobih gi mkilux balay qu gwagiy qasa, stlqing nha ru ngawn squ ngaws na rgyax. Sawn kasa lga nyal min-gyut mhtuw qu gwagiy lma, memaw mtkgil knita nha gi

loka balay qu buwan na gwagiy qasa. Cyugal hi nha si nha ptnaqiy pshbyat qu bhunig nha, wayal qu slqiy ru cyux mha “pok” pksmu sa ktu na gwagiy, ini lawa ktwa cyux mha “was.....was.....” msiamu qu gwagiy lma. ktan lga wal si in-ggyut mhuay buwan na gwagiy qasa, taqu kinmkilux uzi lga tnaq nqu squliq uzi la.

Msbzinah qu minnwah smka gwagiy qasa lga, in-gyutun nha maniq qu hnutaw nha qpuri na bway qu nyux mksrawq mkbway, ghap na Irakis uzi ga, nyux memaw mtqutux atu rngu nya zenawas la. Tehuk ngasal qu minnwah smka gwagiy qasa lga, gigway hmawku ru tqryan kwara lhgan qasa lru ima pqbaq lha lpi?

Babaw nqu 'nwahan nha qasa lga, minblaq smbu qu qwagiy, mha ni qlyan ga mhtuw qu gwagiy, mha ni lhngan ga mhtuw qu byacing ru ssquliq uzi lga minblaq mtzyaw ru m'abi lma.

射日

遠古以前，太陽是個大熱球，長老挑選三位勇善士，各自背著孩童征服烈日。他們沿路播下果樹及小米種籽，以備回程之需，後來，三位勇士相繼離世，由孩童接續征服太陽的任務，太陽的熱力難以接近，他們只能等待，等太陽漸漸升起，拉弓射向太陽，終於射中正中心，太陽的熱度逐漸轉弱。征服太陽後踏上歸途，他們一邊走回家，一面採食多年前長輩播下的果實，返家已人事全非。此後，日光適度且日夜分明，人們能在正常的時段工作、歇息。